

# PAKATAN PENGARAP RAKYAT

14 September 2023

Aku gaga ati sereta beterima kasih nyadi rakyat Malaysia.

Taun siti nyin kemari, aku pindah ngagai rumah baru di Damansara. Ku indai, dulu suba semina orang kaya aja ti ulih diau ba pelilih Damansara laban rumah iya besar sereta berega bejuta-juta ringgit. Alhamdulillah, udah perintah bejalaika program rumah ti mudah dibeli, raban nembia baka aku tu mega ulih meli rumah ditu.

Aku bekereja ba sebuah kompeni engineering penengkebang di Petaling Jaya. Tuai kami agi biak, iya kala bekereja di menua Amerika Syarikat ba kompeni ti tebilang din. Kami ngasilka tengkebang chip komputer pintar ti dikenai dalam perengka elektronik ke pengabis baru. Asil tengkebang dianjung ngagai menua China ti deka ngeluarka iya ba pasar entarabansa.

Pengidup kami sebilik lantang bendar. Bini aku nyadi akauntan ti bekereja enggau sebuah kompeni entarabansa. Iya bekereja ari rumah. Perengka penyambung jalur lebar Malaysia nya iya ti pemadu manah di dunya ti endur mayuh bala indai ulih bekereja ari rumah seraya ke ngabiska jam ti besai reti enggau bala anak.

Sechara paras rata, ruang bilik ti agi biak baka kami tu ulih beterima kasih ke peluang ekonomi ti bisi dalam menua tu. Gaji kami ngelui dikenai nampung guna besehari-sehari lalu 30% ari gaji kami duai melaki bini disimpan ke guna dudi hari. Kami sebilik ulih makai angin ninting taun lalu kami mega numbahka tabung ke dua iku anak kami duai ti agi mit ke guna sedua dudi hari ila.

Menua Malaysia dipebasaka orang di menua Asia Tenggara enggau mega di serata dunya. Kuala Lumpur nyadika indu negeri Asia Tenggara lalu digelar indu nengeri ke 5 pemadu manah di dunya ninting taun, iya nyadika sebuah nengeri besai ti ulih ngenanka daya idup pupu rabansa bansa ti ulih idup begulai enggau pangan diri. Indu opis Bank Pusat Islam Dunia ti dibuka di Kuala Lumpur dalam taun 2019 ngasuh Kuala Lumpur tampak agi rita sereta jelai nama ti nyadika sebuah palan pekara wang pemadu manah di dunya.

Aku temegah ati ke menua Malaysia laban udah ngasuh menua bukai chemuru ati berengkah ari muak ke Timur nyentuk ke Barat. Tiap buah nengeri besai ari Perlis nyentuk ke Johor enggau ari Kelantan nyentuk ke Kuala Lumpur di menua tu disambungka enggau atur pejalai keritapi laju beteknologi gadung. Atur pengawa perintah enggau opis perintah diagihka ngagai sereta menua lalu jarin atur perengka pengangkut mensia mayuh ti chukup manah ngemudahka agi pengawa rakyat.

Rakyat Malaysia mega seraban rakyat pemadu kaya di menua Asia Tenggara. Nadai sebuah ruang bilik bulih penatai permisi ari baruh RM4,000 sebulan. Bala orang ti bempu tanah, ti dulu suba dikumbai orang raban pemungkal kampung puang diatu nyadi orang kebun jutawan enggau industri ti mit ti ngemansangka tanah sida empu enggau naka pemujur.

Menua-menua bukai mega alit ati ke pemaike Malaysia taja iya bisi bepuluh raban bansa ti enda sebaka. Pemaike ti datai ari penyerakup rakyat ari pupu raban bansa nya ditegapka ketegal penyiar bala soldadu menua ti chukup dikelala nyadika raban penyaga pengelikun pemadu manah dim Asia Tenggara.

Iya ke beguna agi nya, aku temegah laban Malaysia nya sebengkah menua ti udah mujur nunjukka pengaya menua deka ngasuh rakyat iya mega kaya enti diperintah enggau manah.

Wang Turu Warisan ti ditumbuhka sepuluh taun ke udah diatu udah bisi RM124 billion asil ari minyak enggau gas ti disimpan ke guna dudi hari. Rakyat ulih ngena peluang besekula enggau belajar enggau enda bebayar nyentuk ke ikas universiti enggau ngena perengka perubat ti enda bebayar mega. Malaysia mega nyadika sebengkah menua ti bisi numbahka sekim duit simpan ke bala bini orang nyadika sebagai ari atur ngelindung pengelantang bansa.

Lebih aku nemuai ngagai menua bukai bejalaika pengawa kompeni aku, aku gaga bendar ati lebuh menua ari dikenang orang. Sida alit ati ke pengulih menua kitai bejalaika atur demokrasi ti penuh. Institut akim menua kitai nyadika lalau ba ikas entarabansa. Nambah ke nya, pemujur kitai ba pengawa ngangkatka pemanah ekonomi rakyat enggau industri mit enggau jelan pemesai (IKS) udah nyadika teladan menua bukai.

Aku chukup betemegah sereta beterima kasih laban Malaysia benung beduduk ba arus ti betul sehari tu ketegal pemutus runding ti betul sepuluh taun ke udah ba pengawa bepilihbesai 2013. Nya mih keterubah iya aku nyadi siku pengundi ti optimis ke rebak dudi menua Malaysia, aku gaga ati laban ari siku ari raban nembia ti ngubah pejalai menua tub a taun nya.

Muhammad Adlan bin Azrul  
Damansara



## MANIFESTO RAKYAT

### PAKATAN PENGARAP RAKYAT



## PENGELANTANG RAKYAT

- Rega minyak diturunka
- Bayar elektrik murah agi
- Bayar ai murah agi
- Ngapuska tol
- Ngapuska monopoli
- Nurunka rega kerita
- 150,000 buah rumah ti nyamai endur diau ulih dibeli
- Opis Rumah Bansya: puku dagang RM5 billion diperanakka ba taun ke-terubah lalu RM2 billion setauan udah nya dikenya ngaga



- rumah nyamai endur diau ti ulih dibeli
- Pelajar ti pechuma ke semua, ngapuska PTPTN
- Ngapuska AES, Nginsil sama AES
- Pengelurus ke raban FELDA
- Nambahka pemayuh bala polis dikenya nagang penyalah
- Bayar wad pechuma (kelas 2 enggau 3) ke semua rakyat di semua hospital perintah
- Bantu Opis Pengelantang Raban Bansya ditikika ngagai RM550 sebulan

## RAKYAT DIRI MENYADI

- Belematika penuduk pengarap Islam nyadika pengarap menua lalu meri jamin kuasa miulih pengarap baka ti bisi dalam Adat Bansya
- Ngangkatka gaya idup nyadika teras manah idup dalam raban bansya
- Wang Turu Ke Raban Orang Indu Malaysia: perintah deka nyimpan RM50 sebulan ke tiap iku bini orang ti patut diberi; lalu laki sida dipinta nyimpan entara RM10 ngagai RM100 sebulan, nitihka penatai pemisi diri
- Sekim Bonus Orang Tuai (60 taun ke atas): Bonus RM1,000 setaua
- Jaku Bansya dikemesaika, kuasa jaku diri empu dijamin lalu jaku English diangkatka manah agi
- Bantu tambah RM300 ke tiap iku nembiak sekula ninting taun ke 1,854 buah Sekolah Pengarap, SJKC, SJKT, sekula privat China, Tamil, Iban, Kadazan enggau sekula mission



- Ngelala Sijil Peresa Beturu Serakup Skula Sekondari China (UEC)
- Bebasaka penuduk Sabah enggau Sarawak dalam Perintah Besai - ngereja pengawa begempung, bepengarika chara lurus, beperanak menua, ngelala kuasa atas Tanah Adat, penyikar Sabah enggau Sarawak, pengelurus dalam isu minyak, pemansang ti sebaka
- Program ti segera ke Sabah enggau Sarawak - ngapuska atur kabotaj, peransang dagang nambahka pemayuh tubuh pengereja pengawa, kompeni minyak ke Sabah enggau Sarawak empu, jalai besai meraka Sabah-Sarawak, ngapuska projek ngaga tekat ai ti ngerusak rampa menua ti lalu muru rakyat pansut ari menua asal sida empu
- Kuasa atas tanah enggau pengelantang Orang Asli dikemataka



## EKONOMI RAKYAT

- 1 juta peluang kereja ti baru ke rakyat enggau chara ngurangka atur ngambi raban pengereja pengawa ari menua bukai
- Gaji pengabis mit RM1,100 sebulan; wang turu RM2 billion ngemudahkan pejalai atur gaji pemadu mit.
- Sekim Pematih Rakyat; dikenya matih 1 juta iku nembiak ti udah badu besekula ti enda nampung pelajar sida ngagai ikas ti tinggi agi dalam pengawa teknikal, begulaika peluang bekereja tetap enggau meri sijil pengelandik
- 5 buah universiti teknikal enggau 25 sekula vokasional ti baru deka didirika
- Reformasi pelajar dikenya meransang ekonomi menua
- Ngemeranika chara bekunsika pemintar gerempung pengereja pengawa, pengaji enggau perintah
- IKS enggau inovasi pugu ekonomi menua - wang turu inovasyen RM500 juta, ngubah peransang chukai
- Ngatur baru chukai ke bala rakyat - chukai pemadu tinggi 26% ke chukai penatai pemisi semina deka belabuh dibayar ke penatai pemisi ti tau dichabut chukai lebih ari RM400,000 ke atas, enti dibandingka enggau RM250,000 ke diatu
- Ekonomi meruan - ngetuka operasyen palan Lynas, mansik baru atur pejalai RAPID, reformasi semua undang-undang ti bisi kaul enggau pengawa ngulikha kayu lalu ngemataka pengawa ngulikha kayu batang

## PERINTAH RAKYAT

- Reformasi institut pengarap Islam enggau atur jalai bepengarap
- Pakej atur mayar gaji enggau servis baru dalam kereja perintah
- Atur bepilihbesai ti beresi, lurus sereta tampak
- Reformasi institut akim, Bilik Lawyer Bansya, SPRM enggau PDRM
- Reformasi Parlimen
- Media ti ngati ke diri lalu mulaika pengarap ngagai raban media



- Ngemunaska AUKU enggau nyamin pengawa akademik ti ngati ke diri
- Ngapuska semua undang-undang ti ngelaban rakyat
- Bejalaika Polisi Nagang Penyalah Makai Suap Menua (DEBARAN) - ngubah opis agensi pemunas penyalah makai suap, ngubah perening dikenya mansik kes penyalah beprofil tinggi sereta bisi ngeruga pengelantang bansya, neritka undang-undang penyalah makai suap